

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0058119 25
Zenica, 22.01.2026. godine

OPĆINSKOM SUDU U ZAVIDOVIĆIMA
- Sudiji za prethodno saslušanje -
ZAVIDOVIĆI

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, **p o d i ž e m**

O P T U Ž N I C U

Protiv osumnjičenog,

I. S., ..., višestruko osuđivan za razna krivična djela,

što je,

1.dana 07.05.2024. godine, na području općine Maglaj, u kući koju koristi, a koja se nalazi u mjestu ..., suprotno odredbama člana 4. stav 1., 2, 3. i 5., a u vezi sa članom 19. i 20. Zakona o sprečavanju i suzbijanju zloupotrebe opojnih droga BiH, neovlašteno radi prodaje držao jedan paketić načinjen od najlonske folije sa sadržajem praškaste materije žute boje neto mase 0,203 grama, jedan paketić načinjen od prozirne najlonske folije sa sadržajem materije žute boje grudvasto-praškaste konstitucije neto mase 6,748 grama, dva komada prozirne najlonske folije sa prisutnim tragovima materije žute boje, za koju materiju je vještačenjem utvrđeno da sadrži psihoaktivnu komponentu amfetamin koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, jedan paketić načinjen od prozirne najlonske folije sa sadržajem biljne materije zelene boje neto mase 0,028 grama i jedan paketić načinjen od prozirne najlonske folije sa sadržajem biljne materije zelene boje neto mase 0,393 grama za koju materiju je vještačenjem utvrđeno da sadrži psihoaktivnu komponentu tetrahidrokanabinol (THC), u udjelu većem od zakonom propisanog, te predstavlja opojnu drogu „Cannabis“, koja opojna droga je pod rednim brojem 13. Liste opojnih droga i 26. Liste psihotropnih tvari iz tabele I „Zabranjene tvari i biljke“ proglašena takvom, iako je bio svjestan da se radi o opojnoj drogi, te da držanje radi prodaje nije dopušteno, što je i htio, a koja opojna droga je pronađena prilikom realizacije naredbe Općinskog suda u Zavidovićima broj ... od 23.04.2024. godine,

dakle da bi, neovlašteno radi prodaje držao opojnu drogu,

2. dana 07.05.2024. godine, na području općine Maglaj, u kući koju koristi, a koja se nalazi u mjestu ..., protivno odredbama člana 3., 6a., 6b. i 11a. Zakona o nabavljanju, držanju i nošenju oružja i municije ZDK, bez odobrenja držao municiju za vatreno oružje i to: 1) šest komada patrona za vatreno oružje - lovačke municije kalibra 12/70 oznake proizvođača ..., krupnoće sačme 2,9 mm koje predstavljaju odgovarajuću municiju za vatreno oružje i lovačke puške sačmarice kalibra 12, 2) četiri metka za vatreno oružje kalibra 7,62x25mm raznih oznaka proizvođača koji predstavljaju odgovarajuću municiju za poluautomatske pištolje navedenog kalibra i neke vrste automata koji koriste tu vrstu municije, 3) tri metka za vatreno oružje kalibra 9x19 mm raznih oznaka proizvođača koji predstavljaju odgovarajuću municiju za poluautomatske pištolje navedenog kalibra i neke vrste automata koji koriste tu vrstu municije, 4) pet malokalibarskih metaka kalibra .22 LR sa ivičnim paljenjem koji predstavljaju odgovarajuću municiju za malokalibarske pištolje i malokalibarske puške navedenog kalibra, 5) jedan pištoljski metak kalibra .32 sa oznakom proizvođača „...“ ... koji predstavlja odgovarajuću municiju za sportske pištolje navedenog kalibra, 6) jedna patrona za vatreno oružje - lovačke municije kalibra 12/70 oznake proizvođača ..., krupnoće sačme 2,9 mm koja predstavlja odgovarajuću municiju za vatreno oružje i lovačke puške sačmarice kalibra 12, svjestan da za držanje municije za takvo oružje ne posjeduje potrebno odobrenje nadležnog organa, to i htio, a koja municija je pronađena prilikom realizacije Naredbe Općinskog suda u Zavidovićima broj ... od 23.04.2024. godine,

dakle, neovlašteno držao municiju za vatreno oružje

čime je počinio pod tačkom 1. krivično djelo Neovlaštena proizvodnja i stavljanje u promet opojnih droga iz člana 238. stav 1. KZ F BiH u sticaju sa, pod tačkom 2. krivičnim djelom iz člana 52. stav 1. tačka b) Zakona o nabavljanju, držanju i nošenju oružja i municije ZDK, sve u vezi sa članom 54. KZ F BiH.